

## — 317 —

des heiligen riches hulden, daz die von Straßburg nieman ansprechen sol noch anuertigen, mit gericht oder ane gerichte, an keinen stetten von des behaltnüsch wegen, die wine vnd allerhande koufmanschafte, die si bi in behalten hant, biz vf disen hütigen tag, oder von keines schaden wegen, daz ieman von desselben einhelniß wegen hat oder haben mag, wer darwider tete, der sol in vnser vnd des heiligen riches vngeden sin, vnd sol dirre lantfride uf in geholfen sin, als hievor geschriben ist. Duch mügent die von Straßburg in den ebersten lantfriden ze Elfaz komen, vnd ir verbuntnüß die si habent mit den von Basel vnd den von Friburg erlenngen, ob es in füget, mit beheltnüße diß lantfriden. Vnde daz dirre fride stete, veste vnd bintlich belibe, so han wir zuo nuzge, gefriden vnde zuo gemach, den lüten vnd dem lande, ein gemein geleite vfgericht vnd uf gesezet ze Menzge, das sol nemen von iedem fuoder wines Elsazers, vnd der obenwendig landswere gewachsen ist, zwen vnd drißig schilling hallere, vnd von dem fuoder wines, daz in dem Spirgawe inwendig landswere gewachsen, zehen schilling hallere, vnd von dem fuoder wines, der in Wormes gauwe vnd in Oppenheimer gauwe gewachsen ist, aht schilling hallere, von dem hundert forns vnd weissen, zwei phunt hallere, vnd von dem hundert salzes, vier phunt hallere, vnd darnah von allerhande fruchte vnd ander koufmanschaft, sol man nemen nach der markal als dar vmbge gebüret, vnd glimplich vnd recht ist, ane brenneholz, koln, höw, strov, vnd vische, von dem farren sol man nemen von iedem pferde dri schilling haller, vnd maz vordeln oberhrabe in schiffen komet, da sol man ie von dem lastfarren nemen zehen schilling hallere. Vnd sol ouch dirre vorgeschriben lantfride weren bis uf den sunnentag, so man singet letare ze mitterfasten, die zuo nehest komet, vnd von dannan über zwei ganz jar die darnah aller nehste komet. Wer ouch, daz ieman die vorgeschriben sibene oder etlich vnder in, oder ir fründe, oder ir mage, nu oder hernah leidigen wölten, vmbge daz si helfe uf in oder ieman anders ertheilt hetten, der sol in vnser vnd in des heiligen richs vn-